

AGINTARIAK ETA LANGILERIA

Oposaketak eta lehiaketak

OSAKIDETZA-EUSKAL OSASUN ZERBITZUA

5805

1768 /2011 EBAZPENA, azaroaren 16koa, Osakidetza-Euskal osasun zerbitzuko zuzendari nagusiarena. Ebazpen honen bidez onartzen dira zerbitzuetako langileen kategorian Osakidetza-Euskal osasun zerbitzuan lotura estatutario finkoa lortzeko hautatze prozesua arautuko duten oinarri espezifikoak. Aipatu kategorია mendeko langileen lanbide taldekoa da eta destinoak Osakidetzako-Euskal osasun zerbitzuko erakundeetan izango dira.

Osakidetza-Euskal osasun zerbitzuko zuzendari nagusiaren uztailaren 15eko 1282/2011 Ebazpenaren bidez onartu dira Osakidetza-Euskal osasun zerbitzuan lotura estatutario finkoa lortzeko hautaketa-probak arautuko dituzten oinarri orokorrak.

Hautaketa-prozesu bakoitza gauzatzeko beharrezkoa da kategorია bakoitzeko destinoak arautuko dituzten oinarri espezifikoak argitaratzea.

Horregatik, bat etorritik Euskadiko Antolamendu Sanitarioaren ekainaren 26ko 8/1997 Legeak, Osasun zerbitzuetako pertsonal estatutarioaren Estatutu Markoaren abenduaren 16ko 55/2003 Legeak, Enplegatu Publikoaren Oinarriko Estatuaren apirilaren 12ko 7/2007 Legeak, Osakidetza-Euskal osasun zerbitzua Ente Publikoko lanpostu funtzionalak arautzen dituen uztailaren 19ko 186/2005 Dekretuak eta Osakidetza Ente Publikoko Estatutu Sozialak ezartzen dituen azaroaren 11ko 255/1997 Dekretuak ezarritakoarekin eta indarrean dauden gainerako xedapen aplikagarrietan ezarritakoarekin, honako hau

EBATZI DUT:

Lehenengoa.— Oinarri hauen xede diren hautaketa-probak deitzea.

Bigarrena.— Zerbitzuetako langileen kategorian lotura estatutario finkoa lortzeko hautatze prozesua arautuko duten oinarri espezifikoak onartzea, I. eranskinean agertzen direnak. Aipatu kategorია Mendeko langileen lanbide taldekoa da eta destinoak Osakidetzako-Euskal osasun zerbitzuko osasun-zerbitzuetako erakundeetan izango dira.

Hirugarrena.— Ebazpen honen II. eranskinean eskainitako destinoen zerrenda onartzea.

Laugarrena.— Merituen baremoa onartzea, ebazpen honen III. eranskinean dagoena.

Bosgarrena.— Dagokion gai-zerrenda onartzea, ebazpen honen IV. eranskinean dagoena.

Seigarrena.– Ebazpen honen aurka, gora jotzeko errekurtoa jar dakioke Osakidetza-Euskal osasun zerbitzuko Administrazio Kontseiluari hilabeteko epearen barruan, ebazpena EHAAr argitaratu eta hurrengo egunetik hasita, hala ezartzen baitute lege eta dekretu hauek: Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak, urtarrilaren 13ko 4/1999 Legeak aldatutakoak; Euskadiko Antolamendu Sanitarioaren ekainaren 26ko 8/1997 Legeak eta Osakidetzaren Estatutu Sozialak ezartzen dituen azaroaren 11ko 255/1997 Dekretuak.

Vitoria-Gasteiz, azaroaren 16a.

Osakidetza-Euskal osasun zerbitzuko zuzendari nagusia,
JULIÁN PÉREZ GIL.

I. ERANSKINA

ZERBITZUETAKO LANGILEEN KATEGORIAN OSAKIDETZA-EUSKAL OSASUN ZERBITZUAN LOTURA ESTATUTARIO FINKOA LORTZEKO HAUTATZE PROZESUA ARAUTUKO DUTEN OINARRI ESPEZIFIKOAK. AIPATU KATEGORIA MENDEKO LANGILEEN LANBIDE TALDEKOA DA ETA DESTINOAK OSAKIDETZAKO-EUSKAL OSASUN ZERBITZUKO ERAKUNDEETAN IZANGO DIRA

1.– Deialdi honetan eskaintzen diren destinoak:

1.1.– Deialdi honen xede izango dira zerbitzuetako langileen kategoriako destinoak mendeko langileen lanbide taldekoak eta destinoak II. eranskinean agertzen diren Osakidetza-Euskal osasun zerbitzuko osasun-zerbitzuetako erakundetakoak izango dira. Destino horien kopurua eta ezaugarriak aldatu ahal dira 2011rako deitzen den lekualdatze-lehiaketa erabaki ahala.

1.2.– Deitutako destinoen % 5 pertsonal ezinduak betetzeko gordeko da. Oinarri orokorren arabera eskaini daitezkeen destinoak behin betiko zehazten direnean erabakiko da zenbatekoa den kopuru hori.

2.– Izangaiek bete beharreko baldintzak:

Izangaiek ebazpen honetan arautzen den deialdian parte har dezaten, eskabideak aurkezteko epearen azken egunean, oinarri orokorretan eskatzen diren baldintzez gain, beste hauek ere bete beharko dituzte, oinarri orokorretan jasotzen diren salbuespenak izan ezik, eta, kasua bada destinoa esleitzen dela, destinoaz jabetu arte mantendu behar dituzte:

a) Hezkuntza eta Zientzia Ministerioak emandako egindako ikasketa urteen ziurtagiria (DBH edo baliokidea) izatea edo izateko moduan egotea, Osakidetza Ente Publikoaren lanpostu funtzionalak arautzen dituen uztailaren 19ko 186/2005 Dekretuko I. eranskinean zehaztutakoa betez.

b) Edozein kasutan ere, lortu nahi den lanpostuaren baldintzak bete behar dira, Osakidetza-Euskal osasun zerbitzuaren lanpostu funtzionalak arautzen dituen 186/2005 Dekretuak, uztailaren 19koak, ezarritakoaren arabera eta indarrean dagoen araudiak ezarritako beste edozeinen arabera.

c) Inskripzio-eskubide hauek ordainduta izatea eskabideak aurkezteko epe barruan, eskainitako destinoen titulazio-taldearen arabera:

E taldea: 10 euro

3.– Oposizio lehiaketaren nondik norakoa:

3.1.–Oposizioaldia.

Epaimahaiari dagokio probaren edukia eta iraupena zehaztea. Galdetegi bati idatziz erantzun beharko zaio, ematen den gehienezko denboraren barruan, eta galderak IV. eranskinean jasotako gaiei buruzkoak izango dira.

Era berean, aipatu eranskinean bibliografia ere sartuko da proba prestatzeko.

3.2.– Oinarri orokorretako 14. atalean aurreikusitako puntuazio-ordenaren araberako izangaien zerrendaren ondoren, I. eranskinean agertzen diren proposatutako izangaiek, 14.2 oinarrian zehaztutako dokumentazioaz gain, beste hauen fotokopia konpultsatua aurkeztu beharko dute:

– Hezkuntza eta Zientzia Ministerioak emandako egindako ikasketa urteen ziurtagiriaren (DBH edo baliokidea) fotokopia konpultsatua edo notarioaren testigantza, Osakidetza Ente Publikoaren lanpostu funtzionalak arautzen dituen uztailaren 19ko 186/2005 Dekretuko I. eranskinean zehaztutakoa betez.

3.3.– Lehiaketaldia.

Egiaztatutako merituak III. eranskineko merituen baremoaren arabera balioztatuko dira, oinarri orokorretan ezarritako irizpideen arabera.

II. ERANSKINA

ZERBITZUETAKO LANGILEEN KATEGORIAKO DESTINOEN ZERRENDAA

Osakidetzako zuzendari nagusiaren uztailaren 15eko 1282/2011 Ebazpenaren bidez onartutako oinarri orokorretako 1. oinarrian aurreikusitakoaren arabera, 63 destino deitzen dira.

Deitutako destino-kopurua alda liteke, 2011n deituko den lekualdaketa-lehiaketaren ondorioz.

2. oinarrian ezarritakoaren arabera, deialdi honen xede diren osasun-zerbitzu erakundeetako destinoak hautaketa-prozesua gainditu duten izangaien zerrenda argitaratzean zehaztuko dira.

III. ERANSKINA

MENDEKO LANGILEEN LANBIDE TALDEKO ZERBITZUETAKO LANGILEEN KATEGORIAKO
MERITUEN BAREMOA

1.– Lan-esperientzia (gehienez, 80 puntu):

Eskabideak aurkezteko azken egunera arte izangaiek aitortuta duten zerbitzu-denbora zenbatuko da.

Guztizko denbora zenbatzeko orduan, lan egindako egun naturalak hartuko dira kontuan, eta ez dira zenbatuko hilabetera heltzen ez diren gainerako egunak. Hilabetea osatzeko, 30 egun naturaleko multzoa hartuko da.

1) Osakidetza-Euskal osasun zerbitzuko osasun zerbitzuetako, Gizarte Segurantzako edo komunitate autonomoetako osasun zerbitzuetako edo edozein herri administrazioetako erakundeetan zerbitzuetako langile gisa emandako zerbitzuen hilabete bakoitzeko, Europar Batasuneko kide diren gainerako estatuetako sare publikoko osasun zerbitzuetan emandako zerbitzuak barne, 0,30 puntu.

Barne-sustapeneko txandan lehiatzen direnei, honela zenbatuko zaizkie eskainitako aurretiko zerbitzuak:

a) E taldean eskainitako zerbitzuak: 0,22 puntu hilabete bakoitzeko.

b) Lehiatzen den lanpostu berean eskainitako zerbitzuak direnean: 0,30 puntu hilabete bakoitzeko.

Zerbitzu eginkizunetan edo goragoko kategoriako funtzioetan eskainitako zerbitzuak benetan betetako lanpostuan zenbatuko dira.

Halaber, zerbitzu berezietako egoeran eskainitako zerbitzuak jatorrizko lanpostuan zenbatuko dira.

2.– Euskara:

– 1HE: 9 puntu.

IV. ERANSKINA

Zerbitzuetako langileen kategoriako gai-zerrenda.

1.– Osakidetza-Euskal osasun zerbitzuko Zerbitzu Erakundeak: Legezko onarpena. Ahalmenak. Gaur egungo osasun-zerbitzuetako erakundeen zerrenda. Osasun erakundeetako zuzendaritza–, kudeaketa– eta partaidetza-organoak.

2.– Osakidetza-Euskal osasun zerbitzuko langileen lan-baldintzak arautzen dituen akordioa. Lanaldia. Atsedenaldia eta oporrak. Lizentziak eta baimenak..

3.– Paziente eta erabiltzaileen eskubide eta betebeharrak: Eskubide orokorrak. Haurraren eskubide espezifikoak. Emakumearen eskubide espezifikoak. Pazienteen betebeharrak.

4.– Osakidetzako Prebentzio Zerbitzuaren suteak prebenitzeari buruzko Eskuliburu informatiboa: sutearen izaera, nola eragiten den, itzalgailu eragile ohikoenak, suteak prebenitzeko gomendioak, emergentzia-egoerak. Osakidetzako Prebentzio Zerbitzuaren Eskuliburu informatiboa: Osakidetzako langileentzako arrisku orokorrak: prebentzio-zerbitzua, definizioak, osasun arloko arrisku orokorrak, arrisku ergonomikoak, arrisku psikosozialak. Prebentzioko karpeta gorria: lan-istripuak/intzidentek, egin beharreko jarduerak: langileak eta hurbileko arduradunak, eraso bati nola aurre egin.

5.– Sukaldea. Lokalaren departamenduak: departamendu komunak, Departamendu girotuak. Su-mota ezberdinak: gasa, propanoa, hiriko gasa, ikatz-minerala, gasolioa, elektrikoa. Beste bero-sorgailu batzuk: salamandra, frijigailuak, parrilla eta plantxa parrilla, prusiarra, burrunzia, marmitek eta presio-eltzea, mahai beroa, zartagin eraiskarriak, ur-bainua.

6.– Hotz-sorgailuak: elikagai galkorren kontserbazioan erabiltzen diren elementuak. Balantza eta laneko mahaiak. Marmita taparekin. Zartagin zuloduna. Edukiera-neurriak. Puregailua. Iragazki txinatarra. Morteroa. Eskuzko arraspagaiua. Eltzea. Paella-ontzia. Lurrezko kazola. Ganibet-motak: kolpezkoak eta erdi-kolpezkoak, tipula-ganibeta, hezurak kentzekoa, errekitarako labana, puntila, urdaiazpiko-ganibeta, aihotza, zuritzekoa.

7.– Higienea osasun-zentroetan. Garbitasunaren garrantzia ospitalean. Garbitasuna eta desinfekzioa. Ospitaleko garbitasunean kontuan izan beharreko arau orokorrak. Ospitale bateko guneen sailkapena: arrisku gutxiko gunek orokorrak, gunek semikritikoak edo arrisku ertainekoak, arrisku handiko gunek kritikoak.

8.– Ospitale bateko gunek bakoitza garbitzeko tresnak, makinaria eta gutxieneko produktuak. Detergenteak. Lixibak. Gela-garbigetako egoera hauen arabera: okupaturik, okupatu gabe, libre eta isolaturik. Kirofano-garbigetako. Gunek ez esterilen garbigetako.

9.– Arroparen tratamendua. Gunek zikinetan. Garbigetako-teknikak (tenperaturak, denborak) eta orbanak kentzeko oinarritzko ideiak. Gunek garbietan (zentrifugatua, lehorketako, arrabolez prentsatzeko). Jantzitegia (biltegia eta banaketako). Uraren kalitatea. Uraren tratamendua. Ospitaleko arropak lehortzeko.

10.– Aglutinatzaile-mota ezberdinak: karea, zementua, morteroak eta igeltsua. Ormigo armatua. Eroanbideak: sare pribatua eta herri-sare. Arrail-motak: arruntak eta angeluan.

11.– Lehorgailuak, lisatzaileak edo arrabolak.

12.– Kronikotasunaren erronka Euskadin: proiektu estrategikoak.

BIBLIOGRAFIA

– 255/1997 Dekretua, azaroaren 11koa, Osakidetza-Euskal osasun zerbitzua Ente Publikoaren Estatutuak ezartzen dituenak: 13 eta 14 artikulua eta II. eranskina (EHAA, 219. zb., 1997ko azaroaren 14koa). Osasun-zerbitzuetako erakundeen zerrenda: izendapen horiek aldatzen dituzten zenbait erabaki, azkena 2011ko urriaren 3koa delarik.

– Osakidetzako langileen lan-baldintzak arautzen dituen Akordioaren III. eta IV. Titulua (EHAA, 250. zk., 2007ko abenduaren 31koa, eta 2008ko ekainaren 16ko 113. zk.).

– 175/1989 Dekretua, uztailaren 18koa, Osakidetza-Euskal osasun zerbitzuko paziente eta erabiltzaileen eskubide eta betebeharren karta onartzen duena: 1, 2, 3 eta 4. artikulua.

– Osakidetzako Prebentzio Zerbitzuaren suteak prebenitzeari buruzko Eskuliburu informatiboa: sutearen izaera, nola eragiten den, itzalgailu eragile ohikoenak, suteak prebenitzeko gomendioak, emergentzia-egoerak. Osakidetzako Prebentzio Zerbitzuaren Eskuliburu informatiboa: Osakidetzako langileentzako arrisku orokorrak: prebentzio-zerbitzua, definizioak, osasun arloko arrisku orokorrak, arrisku ergonomikoak, arrisku psikosozialak. Prebentzioko karpeta gorria: lan-istripuak/intzidentek, egin beharreko jarduerak: langileak eta hurbileko arduradunak, eraso bati nola aurre egin. Hori guztia Osakidetzako Prebentzio Zerbitzuak argitaratu du.

– Curso de cocina profesional. De Manuel Garcés. Editorial Paraninfo/Thomson Learning.

– Manual de limpieza y mantenimiento de los hospitales. Editado por ITEL (Instituto Técnico Español de Limpiezas).

– Manual básico de albañilería. De Manuel A. Villar Martínez. Editorial Mad S.L.

– Manual de lavandería hospitalaria. Editado por ITEL (Instituto Técnico Español de Limpiezas).

– El planchado. Editado por ITEL (Instituto Técnico Español de Limpiezas).

– Euskadin kronikotasunaren erronkari aurre egiteko estrategia: proiektu estrategikoak.

Ataria: <http://cronicidad.blog.euskadi.net>.